

〔續日本紀三十九〕延曆七年五月丁巳，唐人清朝賜姓新長忌寸。

〔續日本紀四十四〕延曆十年五月乙亥，唐人正六位上王希逸賜姓江田忌寸，情願也。

〔日本後紀八〕延曆十八年十二月甲戌，甲斐國人止彌若虫，久信耳，鷹長等一百九十人言，己等先祖

元是百濟人也，仰慕聖朝，航海投化，即天朝降綸旨，安置攝津職，後依丙寅歲正月廿七日格，更遷甲斐

國，自爾以來，年序既久，伏奉去天平勝寶九歲四月四日勅，僭其高麗百濟新羅人等，遠慕聖化，來附我

俗，情願給給字原無，今據續日本紀補姓，悉聽許之，而已等先祖，未改蕃姓，伏請蒙改姓者，賜若虫姓石川，鷹長等姓

廣石野，又信濃國人外從六位下卦妻真老，後部黑足，前部黑麻呂，前部佐根人，下部奈氏麻呂，前部秋

足，小縣郡人，无位上部豐人，下部文代，高麗家繼，高麗繼楯，前部貞麻呂，上部色布知等言，己等先高麗

人也，小治田古推飛鳥明舒二朝庭時節，歸化來朝，自爾以還，累世平民，未改本號，伏望依去天平勝寶

九歲四月四日勅，改本姓者，賜真老等姓須々岐，黑足等姓豐岡，黑麻呂姓村上，秋足等姓篠井，豐人等

姓玉川，文代等姓清岡，家繼等姓御井，貞麻呂姓朝治，色布知姓玉井。

〔日本後紀二十一〕弘仁二年正月戊申，河內國人從八位上玉作鯛釣，賜姓高道連。

〔文德實錄四〕仁壽二年十二月庚午，外從五位下大學助教西漢人宗人，賜姓滋善宿禰。

〔三代實錄二十一〕貞觀十四年五月十五日甲申，右京人左官掌從八位上狛人氏守，賜姓直道宿禰氏

守，為人長大，容儀可觀，權為玄蕃，屬向鴻臚館，供讌饗，送迎之事，故隨氏守申請聽改姓，其先高麗國人

歸化人用本姓

〔新撰姓氏錄右京諸蕃〕賈氏

出自百濟國人賈義持之後也。

〔續日本紀十一〕天平五年六月丁酉，武藏國埼玉郡新羅人德師等男女五十三人，依請為金姓。

〔續日本紀二十三〕天平寶字五年十二月丙寅，唐人外從五位下李元環，賜姓李忌寸。